

# Texts istorics en in vestgì modern

Paraulas da la Lia Rumantscha da nov sin DC

■ (Ir) La Lia Rumantscha (LR) edescha cassetas da paraulas exaustas da nov sin DC. Cun questa ediziun vul la LR mantegnair e render accessibels a tuts ils texts e las regis-

traziuns istoricas. Las paraulas èn vegnidas legidas da personalitads rumantschas enconuschentas. Las cassetas da paraulas èn gia dapi in detg temp exaustas. Uss èn ellas cum-

paridas da nov sin DC. La Lia Rumantscha evitescha uschia ch'in bain popular d'impurtanza istorica crodia en emblidanza. Il medem mument ademplescha ella in giavisch da la clien-

tella che ha adina danovamain giavischà ina reediziun da las paraulas exaustas. La seria d'audiocassetas è cumparida il cumenzament dals onns 1980. Ils raquintaders èn stads da lez temp il scriptur da l'Engiadina Bassa Cla Biert per las versiuns valla-dras ed il scriptur surmiran Leza Uffer per las paraulas surmiranas. Ils intermezzos musicals sin ils portatuns derivan per part da Gion Antoni Derungs.

La grafica dals covers dals DCs è vegnida modernisada, las illustraziuns originalas han ins dentant mantegnì. Ils novs portatuns datti en surmiran e ladin. Ins ha previs da digitalisar ulteriuras paraulas idiomáticas per conservar questas ovras istoricas.

**Ils DCs pon ins retrair da la Lia Rumantscha ed en tut las librerias che vendan titels rumantschs. Pretsch: 19.50 francs.**

**[www.liarumantscha.ch](http://www.liarumantscha.ch)**

**Ils DCs da paraulas cumpiglian ils suandants titels:**

***Praulas surmiranas 1:***

**Gion tgavrer**

***Praulas surmiranas 2:***

**Bucobello, Son Giatgen an Galizia e Barba Giatgen e Gionlign**

***Tarablas ladinias 2:***

**Traideschin ed Ils trais vents**



Paraulas da la Lia Rumantscha da nov sin DC